

1
156 741
QVÆSTIO MEDICA

CARDINALITIIS DISPUTATIONIBVS

MANE DISCVTIENDA

IN SCHOLIS MEDICORVM

DIE IOVIS XX. MARTII.

M. GILBERTO PVYLON, Doctore Medico Præside.

An tuberum quam fungorum esus tutior?

I.

CALOR natus functionum & operum naturæ author otium sui non novit, agendo deterit, à quo fovetur & sustentatur: deliberatæ integritatis detrimentum continuo reparare satagit, id præstat etiam cum fœnore, aëre, potu & cibo, illius nullus est appetitus, quia jugis necessitas; patulas idcirco nares construxit non minus prudens, quam provida natura; horum duplex, objecto formali disceretur; naturalis unus, animalis alter; ille sine, hic cum prævio indigentia sensu; ille unicuique corporis parti proprius, & in illius usum tantum comparatus; hinc ejus & partium inter se natura discrepantium par omnino numerus; vel toti corpori non modo utilis, sed & planè necessarius; & is in viscere nutritio principe sedem habet: animalis duplex, sensitivus uni superiori officio ventriculi ingenitus; & rationalis, cerebri inquilinus. Omnis ut conveniens alimentum sectetur, ineptum deserat, aut noxium respuat, rectore opus habet. Naturalis naturæ instinctu nec erroris aut fallaciæ unquam reo ducitur: sensitivus & rationalis cognitione; sensitivi dux imaginatio; rationalis moderamini præest intellectus. Omnis appetitus, ut idoneo alimento frui valeat, illi uniri debet (secus quam in sensibus) per se nullus potest: idcirco vim motivam sibi subordinatam habet, & in illam herile imperium exercet. Naturali conveniens id est, quod parti, cui insidet, amicum & consociale; sensitivo, quod delectat, hoc unum novit & illi proponit imaginatio; rationali, quod utile: hinc imperiorum utriusque appetitus animalis pugna (nisi fortuito jucundum cum utili coincidat) sin contra prorsus adversetur, quo tunc se converteret vis illa? Cui nefas perinde est alterutrius detractare imperium; dignitate præstantiori obsequiosam non se præstabit, sed fortiori cedit: hinc illa hominum temperantium lucta præcipua est, ut inter bibendum & edendum insidiantis & inhiantis cupiditatis laqueis non sinant se irretiri: ne dum leviora corporis damna resarcire coguntur, graviora incauti inferant animæ. Quam longe alia mens est iis, qui de voluptate, quam sanitate suâ magis solliciti spretis cibis succi optimi, temperatis & coctu facilibus, crassi ac vitiosi succi & duseptis per artem voluptatemque corruptis non tam explere famem querunt (quæ ambitiosa non est) quam quemadmodum post saturitatem esuriant. Quæ res facit;

ut eos præferant, qui peregrinæ qualitatis labe, aut saltem fuscipione non vacant prorsus immunibus, licet horum esum tutiorem ratio suadeat, experientia comprobet.

I I.

QUEMADMODUM aqua guttatim decidens assiduo illisu sensim excavat lapidem, sic diutina alimentorum exhibitio non minus obscuris initiis impensè alterat & manifestè immutat corpora nostra: ea siquidem non modo qualitatibus suis, sed & substantiâ nos afficiunt suâ, & eò vehementius & penitus quò diutius, coctione in chilum, sanguinem & succos alendo corpori idoneos à calore nostro nativo convertiuntur, qui pristini temperamenti semper tenaces in conditionis suæ substantiam degenerant, & ea in locum deperditæ diù & continuo suffecta laudabilem sibi que prorsus conformem omnibus corporis partibus tandem conciliat temperiem eamque firmam ac stabilem. Quamobrem dici vix potest, quàm victus exquisitus, constans & diuturnus exitium sit chronicorum morborum remedium; plurimorum contumaciam vi naturæ amicâ infringit ac superat medicamentis validissimis non cedentem. In quibus qualitatis unius aut alterius adest excessus, ea simul atque ingesta sunt virum suarum proferunt indicia, cò luculentiora, quò qualitatis intensio & activitas major, eo diutius quò longiores moras nectunt in ventriculo, ut subigantur & plane conficiantur; eorum in sanguinem aliosque humores & partium substantiam conversione qualitates exuperantes retunduntur quidem, at non extinguuntur; & ex partibus & humoribus impressam intemperiem sibi oppositam temperant, & ad mediocritatem reducere apte sunt: at si nulla præexistat, novam inducunt, quæ frequenti iisdem qualitatibus præditorum eduliorum usu magis invalefcit. Quæ familiaritati substantiæ nostræ adjunctam habent peregrinam quamdam qualitatem sive ascititiam sive congenitam, nisi cocturâ aut artificiosa conditurâ ea obtundatur, periculi & terroris plenas malignitatis suæ notas evestigio dabit, anxietates, nauseas, ructus, nidorulentos, vomitus, sitim inexhaustam, alui profluvia, dejectam omnino appetentiam, vertiginem, convulsiones; ut olim Athenis ex copioso coturnicum veratro nutritarum esu plurimis obtigisse memoriæ proditum est. Sin hebescat ea vis, tum coctione tum aliorum ciborum permixtione, & parciore sit ciborum esus, nullam gravem inferet noxam: at verendum ne processu temporis, quæ cum sanguine & reliquis succis in universum corpus dimanavit, crebriore eorumdem usu vegetior facta, sanguinem, humores omnes quoquo versum diffusos sic inquinet ac labefactet, ut in saniem ichorosam ac biliosam facessat, quâ viscerum ac præsertim hepatis substantia corrumpatur. Hinc morbi occulti orientur cum summo vicium omnium languore, quorum hyparxis non minus fugiet medicos, quam legitima eos causa latebit, morsque immatura obrepet iniqui medicorum opprobrij, & insulsi potius, quam salvi in eos scommatis inane fundamentum, sed æquissimum abdominis mancipiorum supplicium.

I I I.

TVBERA & fungi plantæ sunt imperfectæ, non balbi, pari jure deorum filij, non cibi, quos in alimentorum censum retulit cupiditas non necessitas. Illa ineptè terræ vitium, rectius miraculum, (maximum siquidem est aliquid nasci sine semine, vivere sine ulla radice.) Suum & liguritorum deliciæ, ac cibatus gratissimus, venantur fies, soli olfactu retegunt, rostris effo-

diunt. His ducibus vel ὁδηγοῖς indicante aucupantur alienæ voluptati mancipati: hos vœni subjiciendos excerpunt lucri avidiores, quam alienæ salutis anxij: accipites facit naturæ diversitas, non illa, quorum una est, non una bonitas, duplici constant substantia cortice & carne, ille crassus & durus non est esui; hæc humorem duplicem continet, superfluum unum aequum in putredinem pronum; alibilem alterum, ex quo & carne simul attritis & perbellè subactis calor noster nativus succum elicit non vitiosum, crassum, frigidum, nutriendis corporis nostri partibus non planè ineptum; eorum similis non est semper crassities, quorum cortex maculis distinctus caro candida tenuiorem & suaviorem suppeditant, quam quæ cute sunt nigræ vel subrubræ & carne subflavâ. Fungis partium dissimilium & organicarum inest varietas, non tuberibus, utrisque similarium par numerus, callus & pulpa, hæc usquequaque sibi similis, non ille. Horum alij deleterij sunt, & quidem naturâ suâ, edules alij, & hî casu venenatam qualitatem identidem contrahunt ex natalibus suis, ferri rubigine inquinati, vel panni putridi vicinî, vel venenatorum animantium moribus; dubius idcirco eorum esus, quem semper suspectum reddit humor extremementis γαιώδους ἢ πῦρ αἰσός, cum tenui acoris participæ connatus, quo luxuriant, gravium morborum & symptomatum parens: horum tria signa pathognomonica, ἀσθὴν πνευμὸς ἐν τοῖς τοῖς ἀγγείαις & ὁ δὲ τὸν γαστρίῳ; hæc tam acris est nonnunquam, ut animi deliquium consequatur & mador totius corporis cum perfrigeratione: communia duo cholera & diarrhœa. Humorem hunc nec ejuldem planè moris, nec parî copia singulis indidit natura; idcirco non eadem est omnium indoles: verni autumnalibus præstantiores: inter quos boleti sive caprellini omnium minimi, sessiles præferendi merulis Galeno ἀμυνίταις, Plinio suillis: Autumnales, qui rubent callo minus diluto rubore, quam boleti nomenque generis retinent, soli sunt in usu: candidi velut apicis flaminis insignibus pediculis in regionibus calidis, non in frigidis eduntur impunè.

I V.

ESCVLENTA ex eorum sunt genere quæ τὰ πρὸς τὶ, eorum ratio tria includit, familiaritatem substantiæ cum eo cuius sunt esculentæ, hæc fundamentum est appetitus; cum eo proportionem convenientem, quæ alterationum illarum & mutationum omnium principium; & similitudinem substantiæ, quæ ubi reapse omnimoda existit, earum finis est. Substantiæ familiaritas naturæ; mador artis opus. Illius iudex præcipuus gustus, tum olfactus; idcirco nares vicinitatem oris secutæ sunt: de ea iudicium fert ille ex saporis, & quidem rectius certiusque, hic ex odoris suavitate: ille, non hic ex substantiæ teneritudine & levitate, eamobrem gustus est quidam tactus. Ex tam multis tamque variis quibuscum nobis intercedit substantiæ affinitas, alia ad extemporaneos usus producit natura, hinc nullo adhibito artificio fructus recentes plurimieriam cum terminite devulsi eduntur, vel victi, vel fracidi (dari fungum quemdam candidum regium his annumerandum refragatur fungi natura) alia tot sunt numero tamque varij generis, ut ea parandi & coquendi artes innumeras, mille condiendi modos invenerit necessitas aut cupiditas, quibus, si quid illis insit vitij, eluatur, tum ea odoris & saporis gratia & substantiæ teneritudo, friabilitas aut mollietates concilientur, quibus erudito palato grata sunt, alioquin ne degustare dignaremur, quis grana frumenti optimi glumis excussa dentibus terere vellet, ut famem expleret: Tubera ex conditione soli & loci, in quo sponte proveniunt la-

titantque animalium venenatorum moribus & inquinamenti nequaquam patent; ex coctionis modo & eorum quibuscum torrentur aut elixantur virtutibus ingratius illorum sapor perit, & odor gravis tam facile corrigitur, quam illorum humor excrementitius crudus & aqueus, utriusque author nullo pene negotio discutitur. Idem si de viscidis fungis statui patiatur humor tenuis acescens, quo disfluunt, refragatur eorum succus, *eurum* 3. ægre coctionem admittens, qua incrassescere quidem potest, non penitus incidi ac discicari ejus visciditas, quæ ne eorum, quibuscum coquantur cedit viribus, multò minus planè debellatur: & si quod illis venenum fortuito sit affricum, id elixatione vel torrefactione refringi potest non omnino reprimi.

V.

EAMOBREM fungos naturà vel casu deleterios, immo & præstantissimos, sed crudos, vel imperfectè coctos, vel nimia copiâ devoratos mortis seminum non ineptè quis indigitarit. Ab his in cibos adhibitis morbi graves & periculosi excitantur, mors præmatura acceleratur, equà non tam oxymelitis potus, aut aquæ egelidæ balneum Pausaniæ puellam vindicavit, quam vomitus (quovis alexipharmaco præsentius remedium) is non semper tempestivus. Ne noceant præstat in totum abstinere, quam eorum vitium excoquere mero, fæce illius ustâ, aceto, pyro silvestri, pyrastri foliis, rutâ, raphano, absinthio, nardo, sale, nitro, aphronitro, stercore columbino vel gallinaceo, vel etiam cocturâ duplici: si parvus sit eorum esus, vix aliquid noxæ accedet (si modo rarus.) si creber, vel continuus pravam tandem totius corporis constitutionem inferet; idcirco æquissimus levissimæ voluptatis contemptus antiquaret, & merito optimi soli venales non sunt; à vitiosis distinguere vix ulli datur quantumvis in eorum cognitione exercitato, virus illis inustum à natalibus, aut rerum viciniâ, quæ cum illis inimico dissident odio, eorum formam externam non vitiat nec colorem natium immutat: periculum facere illorum bonitatis aut pravitatis per multa varique experimenta laboriosius: quis tantum temporis conterere, tantum opere in re tam parum utili explorandâ ponere vellet? præsertim cum vitium quodvis inpressum an illis retegere possit, ambigatur? cibi tam dubij esus temerarius. In tuberibus nihil occultum sive congenitum sive adventitium, vites eorum omnes sub sensuum cognitionem recidunt, si quis illis insit defectus, is se profert corticis & carnis colore, qui & bonitatis index est, dotes eorum variæ; rebus quibuscum bulliunt, aut incoquantur saporis & odoris suavitatem ex facili ascisunt, per se nequaquam sapida; nutriendi vim obinent, at succum frigidum & crassum suppeditant, ventriculo coquenti laborem facessunt, non omni semper, nec parem: is in sanguinem conversus vehiculo habet opus, ut in partes solidissimas, quibus alendis maxime idoneus est, derivetur; singularent condiendi & coquendi modum postulant, ut grata palato sint & salubriora: eorum arte præparatorum esu ancipiti morbo, vel repentina morte queni quam correptum esse hætenus inauditum est.

Ergo tuberum quam fungorum esus tutior?

Proponebat Lutetiæ CLAUDIVS DE QVANTEAL,
Castelliosequaneus, A. R. S. H. MDCLXX.